

Txirritola

ARAMAIO / Barikua / 2005eko ekainaren 17a / 155. zenbakia

KOORDINATZAILEA: Ubane Madera • Otorora Lizentziaduna 31 20500 ARRASATE • Tel.: 943 71 25 11 • Faxa: 943 71 23 89 • Posta elektronikoa: txirritola@goiena.com • Lege gordailua: SS.1084/02

Uda ostean hasiko dira Iturrosteko etxe berriak eraikitze lanak egiten

UBANE MADERA

Datozen urteotan dezente aldatuko da Ibarra. Urbanizazio eta etxebizitza berriak egin behar dituzte eta egiten dabilta. Besteak beste, Iturrosten, elkarri atxikitako etxeak egiteko proiektua du Promociones Aramaio enpresak. Laster hasiko dira.

Elkarri atxikitako 12 etxe egin behar ditu Promociones Aramaio enpresak. Iturrosten egin behar dituzte, errekararen eta saihebidetaren artean dagoen lursailetan. Promociones Aramaio Migel Angel Burgik jakinarazi digunez: "Nahi dugu egin hiru bloketan, dena bloke bakarrean izan barik, hiru bloke, lau etxeok". Etxeak handiak izango dira, atzeko parterak lursaila dutenak, eta garajedunak. Promociones Aramaio laster ipiniko du etxeok iragartzeko kartela, jendeari informatzeko: "Etxeak onak izango dira, oso onak".

BI ZUBI ETA BIDE BERRIA

Etxeaz gainera, zubi bat ere eraikiko dute, etxe haletara iristeko,



Enpresak duen asmoa da elkarri atxikitako etxeak hiru bloketan egitea, lau etxe bloke bakoitzean.

Paulotxo etxe zubiaren ondoren. Era berean, Santikurtz Abadearen Plazatxotik bidea egingo dute etxe berrietarako. Eta horrekin batera, proposamena da oinezkoendako beste zubi bat eraikitzea; kasu horretan, farmazia

pare inguruan. Dena dela, oinezkoendako zubiaren kasuan, Udalak egin beharko luke eta ez Promociones Aramaio. Eta hori oraindik ez dago lotuta zeharo. Horrez gainera, etxe berrien eta errekararen artean, barrutik ibil-

tzeko errepide bat eraikiko dute, eta errepidearen eta errekararen artean, parketxo bat egingo dute, jarlekuekin eta. Era berean, 14-15 bat aparkaleku egokituko dituztela gaineratu digu Migel Angel Burgik.

ORAIN, HONDEAKETA-LANAK

Lanak laster hasiko direla jakinarazi digu Burgik: "Nahi dugu opor ostean-edo hasi, negu aurretik. Gero, gauza horiek nahi barik luzatu egiten dira gehienetan, baina asmoa hori da". Hain zuzen ere, lehenengo zubia egingo dute, gero ingurua urbanizatu, zimendatze-lanak egin, eta hori guztiari egin ostean hasiko dira etxeak eraikitzen.

INTERESA DUENARENDAKO

Informazio gehiago behar duenak honako telefono hauek batera deitu beharko du: 630 31 13 18, 659 93 53 70 edo 619 71 60 65 eta Promociones Aramaio galdetu. Enpresa sustatzailekoen ustetan, Aramaioendako oso egokiak dira Iturrosten eraiki behar dituzten etxeak: "Egia esateko, pentsatzen dugu Aramaio horiek etxe horiek salduko direla eta merezi duela herri batean halako etxeak egitea".

Promociones Aramaioekin, besteak beste, Elusu eta Losadak egin dituzte eraikitze-lanak. Biek hala biek egin izan dituzte etxeak Aramaio, ambulatarioko pareko berria, esaterako.



50 urte bete dituztela ospatzeko hitzordua

Ekainaren 11n, 1955ean jaio-tako aramaioarrak Zumaiara joan ziren egun-pasa. 50 urte bete dituztela ospatzeko egin zuten txangoa. Irudiotako argazkia utzi digute, horren erakusle. Dena dela, kontatu digute nahi baino lagun gutxiago elkartu zirela, eta beste hitzordu bat ipini dutela, haiekin beste ospakizun bat egiteko. Irailaren 3a da egun hori. Agendan apuntatu eta erreserbatuta izateko abisatu dute antolatzaileek. / ITZIAR LARREA

LABUR

Ondasun Higiezinaren gaineko kontribuzioa

Uztailaren 1etik irailaren 30era bitartean, Ondasun Higiezinaren gaineko zerga kobratuko du Udalak. Horrekin lotuta, esan digute hoberiak aplikatuko dituztela familia ugarien kasuan: hiru seme-alabarekin, %50eko hoberia, laurakin %70ekoa eta bostekin, %90ekoa. Hoberiak eskatzeko, familia ugaria dela erakusten duen titulua eraman behar da Udaletxera, uztailaren 1a baino lehen. Hoberia aplikatuko diote ohiko etxebizitzaren zergaren kuotari.

TELEFONO JAKINGARRIAK

OSASUNA / LARRIALDIK	
Osasun etxea (txandak)	945 44 53 40
Bofika	945 44 50 03
Udaltzarea	945 44 50 16
Ertzaintza (Arrasate)	943 79 71 99
Gurutze Gorria (Legutio)	945 45 52 52
San Martín Eskola	945 44 50 04
Taxia eta autobusak	945 44 50 33
Udal kiroldegia	945 44 53 35
Postetxea	945 44 50 83
Zuliako Eskualdea	945 43 01 67
Suhiltzaileak (Zubillaga)	943 78 28 00

AUTOBUSORDUTEGIA

ARRASATE	ARAMAIO	GASTEIZ
07:00	07:15	08:00
10:00*	10:15	
11:00	11:15	
12:00*	12:15*	13:00
15:15	15:30	16:15
17:20	17:35	
18:30*	18:45	
20:30	20:45	21:25
21:00*	21:15	

GASTEIZ	ARAMAIO	ARRASATE
	07:50	08:05
08:15	09:00	09:15
	10:15*	10:30
	11:15	11:30
13:10	13:55	14:10
16:20	17:05	17:20
	17:35	17:50
	18:45*	19:00
19:30	20:00	20:15

OHARRA: izartxoaren duten orduetan eskaeraren araberako zerbitzua eskaintzen dute. Auzoetako bizilagunei zuzendutakoa da, eta autobusa erabili gura badute, bezperan deitu beharko dute honako zenbaki honetara: 629 54 59 23

OHARRAK

BARIKUKO ZINEMA

Oraingo barikuan eta hurrengoan izango dira ekaineko zinema emaldiak. Hala, gaur, 22:30ean, Marc Forster zuzendaria-*ren Descubriendo Nunca Jamás* filma emango dute, 22:30ean. Johnny Deep, Kate Winslet, Julie Christie eta Dustin Hoffman aktoreek parte hartzen dute, besteak beste. 106 minutu ditu. Drama da.

MUSIKA IKASTEKO ETA ESKOLA GARRAIORAKO LAGUNTZAK

Datorren ekainaren 24an bukatuko da eskola garraiorako eta musika ikasteagatik dirulaguntzak eskatzeko epea. Musika ikasteagatik, Arrasate Musikalen matrikulatuta, langabezia eta Aramaion erroldatuta daudenek eska dezakete laguntza. Eskola garraiorako, berriz, ondorengo ikasketak egin dituztenek: DBH (Arrasateko Institutukoak izan ezik), HSAOG, erdi eta goi mailako heziketa zikloak edo unibertsitate mailako ikasketak. Laguntzak eskatzeko, ikasturteko matrikulazio agiria eta banketxeko kontua aurkeztu behar dira.



Argazkian, Aramaioako bi ordezkariak: Mikel Serrato eta Xabier Igoa.

Bi aramaioar bertsolari txapelketako finalean

UBANE MADERA

Bihar, zapatua, jokatu dute XVII. Euskal Herriko Eskolarteko Bertsolari Txapelketako finala. 23 neska-mutikok parte hartuko dute norgehiagoka horretan, probintziak banatuta. Hala, Arabatik, txikien mailan, Xabier Igoa eta Mikel Serrato izango dira ordezkariak. 11:00etan hasiko da txikien saioa.

Altsasuko Burunda Pilotalekuan jokatu dute Euskal Herriko Ikastolen Konfederazioak antolatutako bertsolari txapelketa, eskolartekoa. 11:00etan izango da txikien saioa (16 urtera arte), eta 16:00etan nagusia. Araba, Gipuzkoa, Bizkaia, Nafarroa eta Iparraldeko eskoletako neska-mutikok parte hartuko dute: txikien mailan, probintzia bakoitzetik bina ordezkari eta Iparraldetik lau ordezkari. Eta nagusien mailan, bina ordezkari probintzia bakoitzetik, Iparralde-

detik izan ezik, hango hiru ordezkari izango dira-eta finalean.

SARIAK FINALISTA GUZTIENDAKO

Lehen esandako moduan, eskolarteko bertsolari txapelketan izango diren Arabako lau ordezkarien artean, bi Aramaioak dira: Xabier Igoa (13 urte) eta Mikel Serrato (12 urte). Maiatzaren 21ean Gasteizko Armentia aretoan jokatutako txapelketan sailkatu ziren biak.

Biharko saioan, besteak beste, zera egin beharko dute: agurra gai baten gainean, lau oinak emanda bertso bana eta binaka ofiziotan bina bertso zortziko txikian.

Txikien saioa eguerdi partean bukatuko da eta irabazleen izenak momentuan jakinaraziko dituzte. Dena dela, arratsaldeko saioaren ostean banatuko dituzte sariak. Txapelkun eta txapel-dunordeendako sariez gainera, finalista guztiendako sari berezi bat izango da Euskal Herriko Ikastolen Konfederazioaren eskutik.

Mediterraneaner Joko barik utzi dute Maider Unda

U.M.

Bazen zurrumurrua Mediterraneaner Joko barik geratuko zela Maider Unda, eta hala baieztatu diote. Emakumezko borrokalari gutxiegi direla-eta, ez dute lehiaketa parte hartuko. Orain, oporretan da borroka libreko Estatuko txapelketa, baina laster mundiala preparamizari ekingo dio.

63, 72 eta 77 kiloen mailan jokatzen duten borroka libreko emakumeek ezin izango dute aurtengo Mediterraneaner Jokoetan parte hartu. Maider Unda kontaktatu digunez, gutxienez, seiko lagun taldea eskatzen dute joko horietan parte hartu ahal izateko, eta gaur egun, bost dira emakumezko borrokalariak. Edozelan ere, Oletako borrokalariak ez

du pena handirik, edo, behintzat, gaititu du: "Asimilatuta dut, zurrumurrua aspalditik zeterren-eta". Hala, esan digu orain opor txiki batzuk hartzeko aprobetxatu duela.

IRAILEAN, MUNDIALA

Hori bai, abuzturako berriro entrenatzen hasiko da Maider Unda: "Abuztuan mundiala preparamizari dut, irail bukaera edo urri hasieran jokatuko da-eta. Uste dut Hungarian dela aurtengo". Halaber, esan digu oraingo betiko entrenatzailearekin segituko duela, Crespoekin, baina akaso, abuztuan 15 egunez kanpora joango direla entrenatzaera, Espainiako Borroka Libreko Federazioaren eskutik.


Mundialaren gainean galde-tuta, berriz, esan digu "oraindik denbora falta dela".

LABUR

Egun osoko ibilaldia domekan, eta perkusio kontzertua datorren barikuan

Bi hitzordu proposatu dituzte Zuiako Koadrilaren barruan, datozen bi asteburuetarako: batetik, etzi, domeka, koadrilak antolatzen dituen ibilaldien artean, egun osokoa egingo dute, hainbat leku bisitatzeko; tartean Oletan izango dira. Hain zuzen ere, Olerias, Oleta, Elosu, Manurga eta Olano bisitatu dituzte. Intereza duenak 945 14 55 99 telefonora deitu beharko du. Irten, berriz, Gasteizko Europa gizarte etxetik irtengo da autobusa, 09:00etan.

Bestalde, Zigoitiko zentro sozio-kulturalako programazioaren barruan, ekainaren 24an, Djamboree taldeak *batukada* modukoa egingo du, Ameriketako, Afrikako, Asiako... perkusioarekin: djembeak, darbukak, bongoak... entzuteko aukera izango da. 20:00etan hasiko da, Gopegin. Sarrera kostatzen da bi euro helduendako eta bat umeendako.



San Martin jaietarako aukeratutakoa

Aramaio Tropikaleko Gazte Asanbladak argazkian ikusten duzun marrazki hori aukeratu du aurtengo San Martin jaien irudia izateko. Grafitia da, *Ukan* arrasatearrak egindakoa. Pasa berri den Gazte Egunean egin zuen grafitia, Aramaio gazteen enkarguz. Marrazkia, berriz, gazteen eta grafitigilearen artean aukeratu zuten. Grafitia hantxe dago, kultura etxean, gazteen lokaletan. Orain, berriz, gazteek gainerako herritarrei erakutsi gura izan dute, eta bide batez, herriko jaiak iragarri. / U.M.